

**MAIZ EGITEN DIREN GALDERAK****BEKA EZ UNIBERTSITARIOAK. 2026-2027 ikasturtea****1. Zein da aurkezteko epea?:**

- 2026ko uztailaren 27tik irailaren 30ra arte.
- Matrikula 2026ko irailaren 1a baino geroagokoa bada, beka-eskaera aurkezteko epea hilabetekoa izango da, matrikula egiten den egunetik hasita. Edonola ere, 2027eko apirilaren 30era arte baino ez dira onartuko beka-eskaerak.

2. Non eskura dezaket eskabide-orria? Bete ondoren, non aurkeztu behar dut?

2025-2026 ikasturtean beka edo laguntzaren onuradun izan ziren eta matrikula kudeatzeko aplikazioan sartutako irakaskuntzetan ikasten ari diren ikasleei dagoeneko betetako eskabide-zirriborroa emango zaie SMS eta/edo posta elektroniko bidez bidaliko dira. Eskabide-zirriborro hori Ikasguneetik ere eskura dezakete.

Gainerako ikasleek modu elektronikoan egin ahal izango dute eskaera. Horretarako, honako helbide honetara jo beharko dute: <https://www.euskadi.eus/unibertsitateaz-kanpoko-bekak>

Eskabide-orria Ikastetxean ere jaso ahal izango da.

3. Bi ikasketa desberdin egiteko beka eska al daiteke?

Ikasle batek ere ezin izango du deialdi-aginduan araututako beka edo laguntza bat baino gehiago jaso, nahiz eta aldi berean bertan zerrendatutako ikasketa mota bat baino gehiago egin. Ikasle batek beka-eskaera bat baino gehiago aurkezten badu, erregistratutako azkena baino ez da izapidetuko.

4. Autonomia Erkidegotik kanpo erroldatuta egonez gero, beka eska al dezaket? Bai, ikastetxea Euskal Autonomia Erkidegoan kokatuta badago.**5.- Zer baldintza akademiko bete behar ditut?****a) Haur Hezkuntzako, Lehen Hezkuntzako eta DBHko ikasleak:**

- Euskal Autonomia Erkidegoko ikastetxeren batean matrikulatuta egotea.

b) Gainerako ikasleak:

- Euskal Autonomia Erkidegoko ikastetxeren batean matrikulatuta egotea.
- Ikastaroa errepikatzen ez aritzea
- Batxilergoko lehen mailako eta goi-mailako ikasketetako ikasleek, gainera, gutxienez 5 puntuko batez besteko nota lortu beharko dute ikasketa horiek egiteko gaitzen duen ikasturtean.
- Goi-mailako ikasketetako bigarren mailako ikasleek 2025-2026 ikasturtean egindako ikasketen % 85 gainditu beharko dute gutxienez.

6. Zein laguntza jaso ditzaket? Baldintza guztiak betez gero, honakoak jaso ditzakezu:**a) Haur Hezkuntza 1. zikloa****Kuota-osagaia**

- 0 urteko eta urte leko ikasleak, gehienez 90 euro hileko. Osagai hori ezin da izan, inola ere, matrikulatuta dagoen ikastetxeari ikasleak ordaindu beharreko kuota baino handiagoa.

- 2 urteko gelako ikasleak: 200 euro. Ez da bidezkoa izango ikastetxe publikoetan, itunpeko ikastetxeetan eta kuotarik ordaintzen ez denean

Jantoki-osagaia: 2 urteko gelakoentzat, gehienez ere 818,80 euro izango dira; zenbateko hori honela kalkulatu da: jantokiko egun kopurua (178 egun, gehienez ere), bider eguneko prezioa, gehienez ere, 4,60 eurokoa izanik.

b) Haur Hezkuntza 2. zikloa, Lehen Hezkuntza, Derrigorrezko Bigarren Hezkuntza eta Musika eta Dantzako oinarrizko ikasketetako ikasleentzat:

- Eskola-materialen osagaia.
- Jantoki-osagaia: soilik Haur Hezkuntza, Lehen Hezkuntza, DBH eta Hezkuntza Bereziko mailentzat. Gehienez ere 818,80 euro izango dira; zenbateko hori honela kalkulatu da: jantokiko egun kopurua (178 egun, gehienez ere), bider eguneko prezioa, gehienez ere, 4,60 eurokoa izanik

c) Batxilergoko Irakaskuntzetako, Erdi Mailako eta Goi Mailako Lanbide Heziketako Irakaskuntzetako, Arte Irakaskuntza Profesionala eta Kirol Irakaskuntzetako ikasleak:

- Eskatzailearen errentari lotutako zenbateko finkoko osagaia.
- Eskatzaileak ikasturtean duen bizilekuari lotutako zenbateko finkoko osagaia.
- Oinarrizko bekaren osagaia.
- Errendimendu akademikoan izandako bikaintasunari lotutako zenbateko finkoko osagaia.
- Zenbateko osagarriaren osagaia.

Oinarrizko bekaren osagaia bateraezina izango da eskatzailearen errentari lotutako zenbatekoarekin.

d) Oinarrizko Lanbide Heziketa eta hizkuntza-ikasketak egiten dituzten ikasleak.

- Oinarrizko bekaren osagaia.
- Zenbateko osagarriaren osagaia

e) Lanbide Heziketako irakaskuntzetako eta Batxilergoko irakaskuntzetako ikasleak, gaueko modalitatea, ez-presentziala edo matrikula partziala egiten dutenak:

- Oinarrizko bekaren osagaia.
- Zenbateko osagarriaren osagaia

f) Hezkuntza-laguntzaren berariazko premia duten ikasleak (III. kapitulua)
Osagaiak eta betekizunak 22. puntuan zehazten dira.

7. Inprimakiaren zein ataletan adierazi behar dut eskatu nahi dudana beka mota?

Ez da leku zehatz batean adierazten, eskaera bakarra baita. Familiaren egoera ekonomikoaren, ikasketa motaren eta abarren arabera, dagozkien osagaiak emango zaizkie.

8. Zein agiri aurkeztu behar ditut?

2025-2026 ikasturteko beka jaso baduzu, soilik 2025-2026 ikasturtean emandako datuekiko aldaketarik egon bada, erantsi egin beharko dira aldaketa hauen egiaztagirak.

2025an elkarbizitza-unitatean lortutako diru-sarrerari dagokienez, soilik hauek aurkeztuko dira:

- Errentaren Aitorpenaren fotokopia, Araban, Bizkaian edo Gipuzkoan aurkeztu ez bada.
- Bizikidetzaren diru-sarrerak justifikatzeko egoki iritzitako beste edozein dokumentu (Ogasunean daturik ez dutenek), : gizarte zerbitzuak, Caritas, Gurutze Gorria, eta abar

2025-2026 ikasturtean ez baduzu bekarik jaso:

- Errentaren Aitorpenaren fotokopia, Araban, Bizkaian edo Gipuzkoan aurkeztu ez bada.
- Bizikidetzaren diru-sarrerak justifikatzeko egoki iritzitako beste edozein dokumentu (Ogasunean daturik ez dutenek), : gizarte zerbitzuak, Caritas, Gurutze Gorria,
- Familia ugaria, guraso bakarreko familiak (banantzeak, alarguntasun...), zurtasun, minusbalotasun, familiaren etxetik kanpo bizi diren anai-arreba unibertsitarioak, eta abarren ziurtagiriak.

9. Zeintzuk dira gaingitu ezin ditudan diru-sarrerak edo errenta-mugak? Zergatik dago diru-sarrerara taula bat baino gehiago?

a) Lor daitezkeen laguntza mota desberdinetarako, gaingitu ezin diren gehieneko diru-sarreraren mugak dituzten hainbat taula daude. Muga horiek familia-unitateko kide kopuruaren, laguntza motaren eta ikasketa-mailaren arabera aldatzen dira.

b) Gaingitu behar ez diren Ondare-mugak ere badaude:

1.- Hiri-finkak: 47.200 € (ohiko etxebizitza izan ezik).

2.- Landa-finkak: 14.450 €.

3.- Balore higigarriak: etekinen muga: 1.900 €.

4.- Jarduera ekonomikoak: 155.500 € arteko diru-sarreraren batura.

10. PFEZaren aitorpena aurkeztu ez badut. Zer emango dut eskaerarekin bizibideak justifikatzeko?

Jasotako diru-sarrerak, bizibideak edo laguntzak egiaztatzen dituen edozein agiri (lan-kontratuen kopia, 10T), bai eta udaleko gizarte-zerbitzuek edo Gurutze Gorriak, Caritasek eta GKEek emandako ziurtagiriak ere.

11. Nola kalkulatu dira familiaren diru-sarrerak garbiak?

1.– 2025ko ekitaldian PFEZaren aitorpena aurkeztu duten kide konputagarrien errenta zehazteko, **zerga-oinarri orokorra eta aurrezkiaren zerga-oinarria batuko dira**. Zerga-oinarri orokor osoak edo zati batek jarduera ekonomikoen etekinak baditu, eta etekin horiek zeinu negatiboa badute, emaitza 0 izango da. Gainerako zenbatekoari **kuota likidua kenduko zaio**. Pertsona fisikoaren errentaren gaineko zergan jasota ez dauden diru-sarrerak eta laguntzak gehitu egingo zaizkio aurreko formularekin ateratako emaitzari.

2.– Pertsona fisikoaren errentaren gaineko zergaren aitorpena egiteko obligaziorik izan ez, eta halakorik aurkeztu ez duten kide konputagarrien errenta honela kalkulatu da:

a) 2025ko ekitaldian edozein kontzeptu dela-eta lortutako diru-sarrerak guztiak batuko dira (lan-etekina, langabezia-prestazioak eta -laguntzak, pentsioak, gizarte-laguntzak, salbuetsitako errentak...), baita ohiko etxebizitza ez diren hiri-ondasunen etekina ere –PFEZaren ondorioetarako konputagarria–, betiere 2025ko ekitaldian aplikatzekoa den zerga-araudiaren arabera.

b) Batura horretatik kendu beharko da aplikatzeko diren gastu kengarriak (Gizarte Segurantzaren, etab.) eta konturako atxikipenek sortutako zenbatekoa.

12. Noiz ordaintzen da beka? Nola jakingo dut?

Laguntzak, bekak eta sorospenak dena batera ordainduko dira, **behin betiko ebazpena eman eta hilabeteko epean**.

Ebazpenak, behin-behinekoak zein behin betikoak, Eusko Jaurlaritzaren egoitza elektronikoko iragarki-oholean (<https://www.euskadi.eus/iragarki-taula-elektronikoa/>) argitaratuz jakinaraziko dira. Iragarki-taula horretan argitalpenak egiten direnean, interesdunei SMS eta/edo posta elektronikoko bidez jakinaraziko zaie.

Behin-behineko ebazpenari alegazioak aurkezteko epea 10 egun baliodunekoa izango da, eta behin betiko ebazpenari errekursoak aurkezteko epea hilabetekoa, Eusko Jaurlaritzaren egoitza elektronikoko iragarki-taulan argitaratu eta hurrengo egunetik aurrera.

Ikastetxean egitezko baja hartu badu, 2026-2027 ikasturtea amaitu baino lehen beka ezetsi egingo da, eta ordaindu bada, itzuli egin beharko da.

13. Laguntza esleitzen ba didate, zergatik ez dut nik dirurik jasotzen?

Kudeaketa zuzeneko jantokiak dituzten ikastetxe publikoen kasuetan, jangelako laguntzak zuzenean ematen zaizkio ikastetxeari, eta ikastetxeak laguntza horiek jasotzean, familiei itzuliko dizkie, hala badagokie. Gainerako kasuetan, beka, laguntza edo sorospena eskatzaileak eskabidean adierazitako kontu-zenbakian sartuko da.

14. Jangelako laguntza ematen ba didate, zergatik ordaindu behar diot kontzeptu hori ikastetxeari?

Jantokiaren kostua osagaiaren gehieneko zenbatekoa baino handiagoa izan daitekeelako. Gehienez ere 818,80 euro izango dira; zenbateko hori honela kalkulatu da: jantokiko egun kopurua; (178 egun, gehienez ere), bider eguneko prezioa, gehienez ere, 4,60 eurokoa izanik.

15. Ikaslea egunero jangelara joaten ez bada, jangelako laguntza eska al daiteke?

Bai, ikasturtean gutxienez 20 egunez zerbitzu hori erabiliz gero.

16. Familia ugariagatiko kenkaria?

Familia ugariak kenkari hauek dituzte familia-errentan:

- 525 € familiaren etxebizitzan bizi den anai-arreba bakoitzeko, eskatzailea barne, kategoria orokorreko familia ugarien kasuan.
- 800 € familiaren etxebizitzan bizi den anai-arreba bakoitzeko, eskatzailea barne, kategoria bereziko familia ugarien kasuan.
- III kapituluaren adierazitako hezkuntza-laguntzaren berariazko premia duten ikasleen kasuan, kenkaria 2.000 €-koa izango da.

17. Iazko diru-sarrerara berdinekin edo antzekoekin, zergatik ez dut laguntza bera jaso?

Muga ekonomikoetako bat gainditzen duzulako, edo bizikidetzaren unitateko kideak aldatu egin direlako.

18. Zergatik da handiagoa Haur Hezkuntzarako materialaren osagaia Lehen Hezkuntzarako eta DBHrako baino??

Lehen Hezkuntza eta DBHko ikastetxe publikoetan curriculumak garatzeko material didaktikoaren eta bitartekoen (liburu solidarioak) programa ezarrita dagoelako.

19. Banandutako familien kasuan, aitak eta amak eska dezakete beka?

Ez, bietako batekin soilik, erroldatuta dagarenarekin.

20. Laguntzak beste mota bateko bekekin bateragarriak al dira?

2026-2027 ikasturtean unibertsitate-ikasketak egiteko beka lortu duten ikasleek ezin izango dute agindu honetan araututako ikasketa-laguntza, beka eta subsidiorik jaso.

Gainerako ikasleentzat, laguntza hauek bateragarriak dira beste erakunde publiko edo pribatu batzuetatik helburu bererako jaso daitekeen edozein onurarekin, betiere guztien baturak laguntzaren xede den gastuaren % 100 gainditzen ez badu.

21. Curriculumak garatzeko material didaktikoaren eta bitartekoen “Liburu solidarioak” programari uko egiten badiot, eskolako materialerako laguntza eska al dezaket?

Ez, programa horri uko egiten badiot, ez duzu eskolako materialari dagokion inolako laguntzarik jasoko.

22. Hezkuntza-laguntzaren berariazko premia duten ikasleak (III. Kapituluak)

1.– III. kapitulu honetan jasotako laguntzak eta sorospenak Eusko Jaurlaritzako Hezkuntza Sailaren W67 aplikazioan erregistratutako ikasleei lagunduko diete, jarraian zerrendatzen diren hezkuntza-laguntzako premia espezifikoaren tipologiaren bat edo batzuk dituzten ikasleentzat dira:

a) Hezkuntza-laguntzaren berariazko premia duten ikasleak, arreta-defizitaren eta hiperaktibitatearen nahasmendua (ADHN) duten ikasleak barnean direla, % 25eko edo gehiagoko desgaitasunaren edo jokabide-nahasmendu larriaren ondorioz. Desgaitasun-ziurtagiria behar bezala erregistratuta egon behar du Hezkuntza Sailaren W67 aplikazioan.

b) Hezkuntza-premia bereziekin lotutako komunikazio- eta hizkuntza-nahasmendu larriak dituzten ikasleak.

c) Autismoaren espektroko nahasmenduari (AEN) lotutako hezkuntza-laguntzaren berariazko premia duten ikasleak.

d) Gaitasun intelektual handiarekin lotutako hezkuntza-laguntzaren berariazko premiak dituzten ikasleak.

Kapitulu honetako laguntzak eta sorospenak jasoko dituzten ikasleek hezkuntza-laguntzako premia espezifikoa dituzten ikasle gisa erregistratuta egon beharko dute Eusko Jaurlaritzako Hezkuntza Sailaren W67 aplikazio informatikoan eskabideak aurkezteko epea amaitu aurretik, 32. artikuluan xedatutakoaren arabera.

<u>Laguntza eta sorospena motak:</u>	
Irakaskuntza-laguntza:	862 € gehienez
Eskola-garraiorako laguntza:	617 € gehienez
Zereginak ikasteko ikasleentzako ikasmaterialerako-laguntza:	204 € gehienez
Pedagogía-berreziketarako laguntza:	913 € gehienez
Hizkuntza-berreziketarako laguntza:	913 € gehienez
Gaitasun handiko ikasleentzako laguntza:	913 € gehienez
Eskola-garraiorako sorospena:	617 € gehienez
Eskola-jantokirako sorospena:	574 € gehienez
Gastu gehigarrietarako zenbateko finkoko sorospena:	400 €

Jantokiko eta garraioko sorospenak a), b) edo c) letretan aipatzen diren eta familia ugaria diren ikasleei dagozkie.

Gaitasun handiko ikasleentzako programa espezifikoetarako, berreziketa pedagogikorako eta hizkuntza berrezteko laguntzetarako, zerbitzua ematen duen ikastetxeak edo berrezitzaileak izenpetutako memoria bat erantsi beharko da. Memoria horretan, ikastetxearen ezaugarriei buruzko informazio zehatza jaso beharko da, asteko ordu kopurua eta ematen duen ikastaro eta espezialista bakoitzeko, bai eta ikasturteko hileko eta guztizko kostua ere

Bateraezintasunak

Ez da laguntzarik edo subsidiorik emango, baldin eta haien gastuak zerbitzu edo funts publikoek edo, hala badagokio, zentzoei dagokien zerbitzua finantzatzeko emandako laguntzek estaltzen badituzte. Era berean, ez dira laguntzak eta subsidioak emango doako zerbitzu bat bete nahi dutenean.

Eskola-garraiorako laguntza eta sorospena bateraezinak dira Hezkuntza Sailak antolatutako eskola-garraioaren erabiltzaile-izaerarekin eta Euskal Autonomia Erkidegoko unibertsitateaz kanpoko ikastetxe publikoetako ikasleen eskola-garraioari buruzko urriaren 31ko 164/2023 Dekretuan jasotako banakako laguntzekin, hezkuntza-gaietan eskumena duen sailak finantzatuta.